

Eftirlit - snyrtivörur - Áburður á bleyjusvæði

Dagsetning	1. september 2021
Fyrirtæki	Krónan ehf.
Heimilisfang	Dalvegi 10-14, 201 Kópavogur
Kennitala	7112982239
Starfsemi	Stórmarkaðir og matvöruverslanir
Eftirlitsstaður	Krónan, Vallakór 4, 203 Kópavogur
Fulltrúi fyrirtækis á vettvangi	Ottó Freyr Guðmundsson
Eftirlitsmaður	Fífa Konráðsdóttir
Tegund eftirlits	Efnaeftirlit
Tengiliður fyrirtækis	Kristín Þorleifsdóttir

SAMANTEKT

Umhverfisstofnun barst ábending um að snyrtivara sem fyrirtækið Krónan ehf. er ábyrgt fyrir markaðssetningu á héraðs uppfylli ekki skilyrði laga og reglugerðar varðandi snyrtivörur. Eftirlit hjá fyrirtækinu þann 20.8.2021 leiddi í ljós að varan, Diper Rash & Skin Protectant uppfyllir ekki skilyrði varðandi merkingar sem settar eru fram í þeim lögum og reglugerðum sem falla undir umfang eftirlitsins.

MERKING HUGTAKA OG SKAMMSTAFANIR

Merking eftirfarandi hugtaka og skammstafana sem notuð eru í skýrslunni er sem hér segir:

CPNP: Cosmetic Product Notification Portal eða Snyrtivöruvefgátt ESB þar sem nýjar snyrtivörur á markaði eru tilkynntar í samkvæmt reglugerð (EB) nr. 1223/2009 um snyrtivörur.

MARKAÐSSETNING SNYRTIVARA

Snyrtivara, sem er boðin fram á markaði, skal vera örugg fyrir heilbrigði manna við eðlileg eða sæmilega fyrirsjáanleg notkunarskilyrði. Ábyrgðaraðili fyrir markaðsetningu vöru skal halda um hana vöruupplýsingaskjal, sem m.a. inniheldur öryggismat til staðfestingar á því að varan sé örugg til notkunar.

Ábyrgðaraðila ber skylda til að tilkynna snyrtivörur í snyrtivöruvefgátt ESB (Cosmetic Product Notification Portal) áður en þær eru settar á markað samkvæmt 40. gr. efnalaga nr. 61/2013 og reglugerð nr. 577/2013 um snyrtivörur sem innleiðir reglugerð (EB) nr. 1223/2009 sama efnis.

Almennar upplýsingar sem þarf að skrá í snyrtivöruvefgátt (CPNP) eru:

- Flokkur og heiti vöru

- Nafn og heimilisfang ábyrgðarmanns og samskiptaupplýsingar
- Upprunaland snyrtivöru
- Ríki innan EES þar sem markaðssetja á snyrtivöru
- Ljósmynd af vöru/umbúðum
- Mynd af miða á umbúðum og/eða sýna texta á umbúðum. Allar skyldubundnar merkingar eiga að sjást á miðanum

Aðrar upplýsingar um hvað þarf einnig að skrá í CPNP má finna í 13.gr reglugerðar (EB) nr. 1223/2009 um snyrtivörur.

MERKING

Samkvæmt reglugerð nr. 577/2013 og 19. gr. reglugerðar (EB) 1223/2009 um snyrtivörur skulu merkingar þeirra vera á íslensku, ensku eða Norðurlandamáli öðru en finnsku. Notkunarskilyrði og varnaðarorð í dálki (i) í III., V. og VI. viðauka reglugerðar skulu vera á íslensku, með undantekningum varðandi viðvörunarmerkingar vegna flúorinnihalds í tannkremi og ef merkingin er eingöngu ætluð til að taka fram að snyrtivaran innihaldi tiltekið innihaldsefni.

Upplýsingar sem eiga að koma fram á íláti og umbúðum snyrtivara eru taldar upp í 19. gr. reglugerðar(EB) 1223/2009 um snyrtivörur og eftirfarandi atriði þurfa að koma fram á merkimiða :

- Nafn og heimilisfang ábyrgðaraðila
- Upprunaland ef um innflutta snyrtivöru er að ræða
- Magn við þökkun (þyngd eða rúmmál)
- Dagsetning geymsluþols skal koma fram á eftir ákveðið tákni fyrir stundarglas (mánuður og ár eða dagur, mánuður, ár) ef geymsluþol er minna en 30 mánuðir
- Ef opnun umbúða hefur áhrif á geymsluþol skal ákveðið tákni fyrir opið ílát vera á umbúðum (fjöldi mánaða eða ára skal setja inn í eða við táknið)
- Notkunarskilyrði og varnaðarorð á íslensku skv. III. viðauka reglugerðar (EB) 1223/2009
- Númer framleiðslulotu eða tilvísun
- Hlutverk snyrtivöru ef það er ekki augljóst á söluumbúðum
- Skrá yfir innihaldsefni í lækkandi röð eftir hlutfalli vöru
- Heiti innihaldsefna skal vera samkvæmt INCI nafnakerfi, sé það til, annars samkvæmt öðru viðurkenndu nafnaefni. Öll innihaldsefni á formi nanóefna skulu tilgreind á umbúðum.
- Ilmefni má merkja sem „ilmefni“ eða „lyktarefni“ (parfum/perfume/aroma)

INNIHALDSEFNI

Efni sem talin eru upp í II. viðauka reglugerðar (EB) 1223/2009 er bannað að nota í snyrtivörur. Efni sem talin eru upp í III. viðauka reglugerðar (EB) 1223/2009 eru aðeins heimilt að nota í samræmi við fyrirmælin sem þar koma fram. Í viðaukum með reglugerðinni eru listar með litgjöfum og rotvarnarefnum sem heimilt er að nota.

UMFANG EFTIRLITS

Umhverfisstofnun barst ábending um að snyrtivaran Diaper rash & Skin Protectant uppfylli ekki skilyrði varðandi skráningu í snyrtivöruvefgátt ESB og merkingar á umbúðum. Umhverfisstofnun vísar í bréf stofnunarinnar, dags. 20.8.2021, þar sem kynnt var eftirlit í kjölfar ábendingar, sbr. hlutverk

Umhverfisstofnunar með framkvæmd efnalaga nr. 61/2013 og reglugerðar nr. 577/2013 um snyrtivörur. Eftirlitið fór fram samdægurs og var markmið þess að skoða hvort varan uppfylli kröfur varðandi merkingar og umbúðir, skráningu í snyrtivöruvefgátt og markaðssetningu snyrtivara sbr. 40 gr. efnalaga.

NIÐURSTAÐA EFTIRLITS

Eftirtaldar vörur sem falla undir umfang eftirlitsins voru skoðaðar:

Vara	Strikamerki
Lucky - Diaper Rash & Skin Protectant Ointment	808829103700

Um er að ræða snyrtivöru sem er ætluð sem áburður á bleyjusvæði fyrir börn. Umhverfisstofnun óskaði eftir númeri í snyrtivöruvefgátt ESB til að staðfestingar á skráningu og Krónan ehf. brást við með því að tilkynna vöruna í snyrtivöruvefgátt ESB og afhenda númerið til Umhverfisstofnunar til staðfestingar.

FRÁVIK¹

Vara	Lýsing	Birgir ²
Lucky - Diaper Rash & Skin Protectant Ointment- with vitamin A&D	Frávik á umbúðum sbr. 19 gr. 1223/2009 snyrtivöruvefgáttar: Nafn og heimilisfang ábyrgðaraðila vantar á umbúðir.	Krónan ehf.

ÁBENDINGAR

Reykjavík, 17. september 2021

Fífa Konráðsdóttir

¹ Framkvæmd telst ekki í samræmi við kröfur sem settar eru fram í lögum eða reglugerðum

² Framleiðandi, innflytjandi, eftirnotandi eða dreifandi með staðfestu á Evrópska efnahagssvæðinu sem setur efni á markað, hvort sem það er hreint, í efnablöndu eða í hlutum.